


Desanburukalo san 2011

San 39nan - Boko 479nan

Songo = dorome 35



Kunnafoniseben bota kalo o kalo - BP : 24 - Téléphone : 20.21.21.04 Kibaru bugufiye Bosola Bamako

San 2011-2012
bagansogé
kapani
daminena n° 8

Jamana kanko taabolo dantigeliseben sègesègèra ka ben a kan

Kalanko Minisiriso ye dönnibagajekulu do sigi sen kan min nemogoya tunbe karamogoba Adama Samaseku bolo, ale ye kalanko minisiriya ke ka teme, ka tila ka ke Afiriki kankow nénaboli cakeda nemogo ye, n'a be fo a ma AKALAN (ACALAN).

Baara min tun kalifara dönnibaajekulu in na, o tun ye ka jamana kanko taabolo dantige. Uyo baara in ke sèben ye min dajirala jama la san 2011 desanburukalo tile 6, 7 ani 8, Bamako lajekesoba la.

Lajeba in kun tun ye ka sèben in kankow sègesège, ni filiw b'a la k'olu

latilen, ni yoro minnu b'a je, k'olu fara a kan ni yoro minnu man ji, k'olu bo a la, jamana den bëe lajelen togo la.

Tilesabalaje in nemogoya tun be kalanko, Balikukanani Fasokanw yiriwali Minisiri bolo, karamogoba Saliku Sanogo. Jamana nana ka bo jamana fan tan ni naani kono :

Goférénériw, Perefew ani Superefew walima u ka cidenw, sigida lakodonnennw nemogow walima u ka cidenw, jamana cakedaw seko ni döñko ani kalanko sira kan, olu nemogow, kankodonnnyi karamogobaw, kankobaara cakedaw, fasokanw kanubagatow, jekuluw,

kereciyendiine mogow, demedonjekuluw, kunnafonidilaw namakalaw, ce ni muso, denmisén ni maakorò.

Tilesabalaje in kuncera ni benkan ye jamana den bëe lajelen togo la, ka jamana kanko taabolo dantige.

Jamana kanko taabolo benkan dakun jönjöw file nin ye :

- Benkera a kan ko fanga bolili sira kan jamana kono, baara be ke ni fasokanw ye i'n'a fo a be ka ke cogo min na sisan ni Faransikan ye. Fasokan minnu ko don, olu ye baara kera minnu kan, ka signi soro u la, k'u sèbencogo sariyaw dantige, ka



Minisiri, karamogoba Saliku Sanogo

danegafe dilan u la, ka kalanje ni jate gafew dilan u la, ka maben gafew ani gafe suguya camandilan u la, i'n'a fo Bamanankan, Bomu (Bebokan), Bozokan, Dogoso (kaadokan), Fulfulde, Xaasongaxanno (ka sonkakan), Mamar (Miyankakan), Maninkakan, Sonjay, Soninke, Syenara (sinafokan), Tämåsät (tamasekikan).


Obenkan min file nin ye, a koro ka bon kosebe ka da a nafa kan. A koro ye ko joda o joda be Faransikan na, o nogonna be fasokan kelen-kelen bëe la. U be kalan kalansow la, baara be ke n'u ye faso cakedaw la ani sigida lakodonnennw kono fo ka taa se goférénaman kónona ma, depitebulon, kubedaw ni meriw ani lasigidensow, jamana kókan.

Nka lajini bëe te se ka waleya sisan. San 25 de bolodara baara ninnu bëe lajelen waleyali kama.

Baaraw be ta kelen-kelen, dakun ni dakun, ni min be se ka ke waati min na o be ke, fo ka taa se a la laban ma don min na.

Baaraba in be jamanadenw ka wulikajo kofo. Jamanadenw ani jamana nemogow, ka fara an demebagaw kan, olu bëe de ka kan k'ulo bolo di nogon ma, nafolo min ka kan ka don baaraw dafé san 25 in kono k'o jini; baarakeminan minnu be don a dafé, k'olu jini, mogow minnu ka kan ka kalan a baaraw la ka dönniya lase olu ma; cakeda kura minnu ka kan ka sigi sen kan, k'olu waleya. Wulikajo kötigebali, wulikajo sinsinnen, o de nininen don jamanaden bëe fe nin baara ninnu na.

Baara kun folo kera, o kera sèben
A to be ne 2nan na



Maliden kelen-kelen be fini kilo 4,38 dun san kono

i'n'a fo sene ni kabasene. Kafe ni tiga yere fana be sene kosebe ka teme a kan; kasoro nafaba be fini na Afiriki senekelew bolo. Kayi mara la, Keneba finisenena koro do y'a jira ko fini sene ni ma se nogoko la. Ko hali yoro minnu na sanji nata b'a ta milimetere 500 la ka se 1100 ma, fini be ne yen. Nka on'a tabes, jatemine y'a jira ko Malikono, jamanaden kelen-kelen be fini kilo 4,38 dun san kono; kasoro a kelen-kelen ka dunta malo la, o ye kilo 43,55 ye san kelen kono. Jatemine na, Mali ni Lagine de ye finibasene jamanaw ye. Nka finisené te jate la u bolo, kasoro fini joyoro ka

bon kosebe jabeti furakeli la. Odela a be fo ko jabetitow ka fini dun kosebe.

Fini soro man bon ka suman tow ta bo. Sabula ale mangirin. Mali sumansiko ni jirisienko cakeda «/ER» ye sègesègeli ke finiko kan san 2005

waati la. A y'a jira ko Kayi mara la, mogow tun be fini kilo 654 soro taari kelen na. Kulukoro mara la, mogow tun be fini toni 1 ani kilo 59 soro taari kelen na; Moti mara mogow ka soro tun ye fini kilo 400 ye taari la.

Nka an be don min na, geleya be finisené na: finisi soro balya, finikise numan soro feerentanya, fini kanni n'a gosili fana ka jugu. Geleya wère be finikola minten siye. Fini susuli, k'a ko k'a je, o fana ye timinandiya dan bëe ye. O kama finisené te ka sangaba soro ka sene ni minna.

Amadu M. Sise
Dokala Yusufu Jara

ne fofo to

labenni ye kanko kan jamanadenw benni min kan. Baara kun filanen ye goferenaman ka seben in yelema k'a ke sariya ye. O kofe o sariya in be ta depitebulon kono jamanan cidenw b'a segesegé ka ben a kan. O kofe jamanakuntigé be sariya in bolili yamaruya. O mana ke, a waleyali be kediagoya ye jamanaka herekama.

A ka faamuya ko lajini te Faransikan kellel ye k'a bo jamanan kono. Faransikan joyro folow te bo a bolo wa a ni fasokanw b'u bolo di nognon ma jamanan joli da kun bee

lajelen na. Joyroba dili fasokanw ma, o te fosi bo Faransikan nafa n'a joda la Mali kono ani dije.

Benkán in y'a jira ko Mali taabolo ye kancamanko ye. Kan man fisni kan ye. Kanw ka galabukene ya de b'u teme nognon kán. Kancamanko be ben ni kelenya sinsin jamanadenw ni nognon ce, a b'u sinsin an n'an sigijogonjamanaw ce, Afiriki kono ani jamanan yiriwalenw. Kancamanko ye daamu ye sango n'a sinsinnen be desantaralizason sabatili kan ani Afiriki ka kelenya. O bee be soro min fe, o ye jemakanko sabatili ye, kanbaju, danbew be nognon soro min

kono, nognonfaamuya be sabati min fe, min be fo dije lajebaw kene kan.

- Ben kera a kan lajeba in senfe ko yeremahoronya taamasiyen folo ye kanye; k'ke i yere sago ye, ofana be soro kandefé; danbe yere fana te yen n'i ka kan te; sekó ni donko, o bee lajelen fana be kan de kono.

Ben kera a kan fana ko jamanan sit se ka bo a yere la, ka yiriwa k'a sen dalento a ka kanw kan, jamanadenw be minnu fo su ni tile.

Ben kera a kan ko sebencogo kelen de tara fasokanw sebenni na, faso cakedaw bennna sebencogo minnu kan. Nka sebencogo were

minnu be yen, i n'a fo Nko, Tifinari ani dowerew, olu sebenni n'u kalanni dagalen don, nka faso ka sebencogo sugandilenw te.

- Laje laban na, lajekelaw ye foli bila ka taa jamanakuntigí Amadu Tumani Ture ma, bawo a y'a jo fasokañw kókó ni tilennénya ye ani laadiyriya.

Foli lasera Minisiri Saliku Sanogo fana ma. Tile saba in kono, ale y'a ka baara bee bila ka na lajeba in kene kan, ka dusu don mogow kono.

Foli laban lasera Samaseku n'a ka dönnibaajekulumma, bawo mogobe fo yereyeci la. Mahamadu Konta

Jegesugu kura jora Bamako, mɔnni sɔrɔ ka yiriwa

Bamako jegesugu kura, jamanakuntigí Amadu Tumani Ture y'o kurunbonkari arabádon desanburukalo tile 8 san 2011. A musaka sefawari miliyari 5,832 bora. Japónjamana ni Mali goferenaman fe. Mali ka bota benni miliyon 600 ma musaka in na. Sugu kura in kono, jegé nataw jijinyoró kene be yen, jegé kenewdilanyoró be yen, jegéfeereyoró ye gaba 60 ye. Gilásidilanyoró be yen, jegemangasa min be yen, jegétoni 45,7 be se ka don o kono: jegékenelamaraso fana be yen. Jibondon (sato) ani baarakébiro caman be Bamako jegesugu kono. Kabini waati jan, jegetigiw tun ye jegesugukola jini walasa nafa ka soro jegebaara la. A b'a to jegé soroienw ka ladon ka je aní k'u sannifeere noga jamana kono an'a kókan. Jegébakurubafeerelaw ka ca Bamako sugu 4 minnu na, a b'a to olu ka se ka fara nognon kan yoró kelen na. Minnu be Dosolo Tarawele togolasugu la Medinakura, olu ka jegew be bo Segu, Nónón, Masina, San, Moti, Ansongo ani Manantali. Minnu be ka nesin banki «BCAO» ma, olu ka jegew be bo Selenge, ani Ansongo. Minnu be jikoróninpará la, olu ka jegew be bo Kangaba. Minnu be Fajigila sugu la, olu ka jegew be bo Kulukoro, Cénfala



Joyroba be mɔnni na Mali nafoloko la

ani Manabugu. Bamako jegesugukura la, minen nenanmaw be yen. Jegesu sumanen suguya ka ca. Kesu 60 be yen litiri 1000 be k'o kelen-kelen kono; kesu 22 be yen litiri 600 be k'o kelen-kelen kono; kesu 36 be yen litiri 40 be k'e o kelen-kelen kono; kesu 240 be yen litiri 35 be k'o kelen-kelen kono. Wotoroninw, manaborew, peselikela nw, gilasicilanw, jegedilannaw sigiyoró, mansinw nognobolanw, firigow lakanananw ani

saniya sabatianw. Bamako jegesugu kura in bena ke sababu ye lotolitigw ni mogo werew ka se ka jegé numan soro u yere koro, bagandogotorow ka se ka jegew segesegé ka ne, saniya ka sabati jegeko la, kunnafoni fen o fen be monni kunkan; olu ka se ka kafo noga ya la. A b'a to fana dabali werew ka se ka tige, walasa jegew ni jikorónen minnen dòw ka bayeléma, fo ka se olu feereli ma jamanan kókan. Nin bee b'a to jegetigiw ka nafa soro u kono.

ka baara la.

Wari min donnan file Bamako jegesugu joli dafé Zapón jamanan fe, deme don Mali ma ka nesin mɔnni soro yiriwali ma. A y'a ke jamanan ye fu; a m'a dabo a ka sara a ye kofe. Mali ye wari min di musaka la, o kera ka orobine sama ka na, ka kurandon, kaji noglasaniyayoró dilan. Jegesugu kura in be Bamako Bajoliba kininbolo kan Senu pankurunjiginkene fan fe.

Joyroba be mɔnni na Mali nafoloko la; sabula jamanan ka soroen kemesarada la 4,2 ye mɔnni nafa ye. Sankelen kono, jegé haké min be mon Mali kono, o be se toni 100.000 ma; o y'a ke bajegécamansoro jamanan folo ye Afiriki kono. N'i ye Mali ka sankelen jegé soro tila jamanaden hakéce, jateminé na bee kelen-kelen ka dunta be ben kilo 10,5 ma. Monnikela be se mogo 73.000 ma. Mali kono jegé be soro yoró 3 la kosebe: Bajoliba falakónona Moti mara la ani Selenge ni Manantali barasiw la. O temenen kofe, kównijisigiyorócamanbe jamanan in kono n'u labenna jegéba be soro u kono.

Walasa ka do bo jegokogeléya la Mali kono, goferenaman ye sanduurubaara doboloda jegelamara kama. Oye mɔnni minisiriso kananiya sirilen ye, min b'a to mɔnni soro kana dan baw ni kow ma, jegelbungunyoró ka laben do ka fara jegé soro kan. O b'a to jamanaden ka jegé soro ka dun. Ni jegelamarayoró, jegekenedilanyoróani jegébayelémayoró te jamanan fan caman fe, jegé minen caman be tige. Jegé numan ténna se ka soro ka dun kuma te k'u feere ka nafolo soro u la.

Jateminé na, kemesarada la 80 bena Bamako Mali jegé soro tla, kasoró jegelamarayorónumandun tun te yen. Bamako jegesugu kura in ka jigi numan ye. Cakeda kerenkerénen sigira sen kan o yoró kura in kójenaboli kama, k'o nemogoba ke Seyidu Kulubali ye.

Moriba Kulubali
Dokala Yusufu Jara

Yelema bennna don Mali baara sariya la

Poroze folo min dajirala depitew la alamisadon desanburukalo tile 8 san 2011, o nesinnen be yelema donni ma baara sariya la Mali kono.

Danfara min be goferenaman baarakelaw ni kalosaratabaarakela tow ce u bolobo waati baara la ka taa lafijebó la, yelema in b'o kunkan.

Baara sariya la Mali kono, goferenaman baarakela minnu be wele «fonkisoneriw» n'u be kategori A la, olu bolo be bo forobabaa la u si haké san 62; kategori B2 ta ye san 59 ye, kategori B1 ta ye san 58 ye; kategori C ta ye san 55 ye. Kasoró goferenaman baarakela «kontarati» mana ke kategori fen o fen ye, a be taa lafijebó la n'a si haké sera san 58 ma.

Yelema in tun ye walasa goferenaman baarakela minnu be kategori kelen na k'olu bee damakeye. O de la minnu be kategori A la, olu be taa lafijebó la u si haké san 62, kategori B ta ye san 59 ye, kategori C, D ani E be taa lafijebó la u si haké san 58.

Nka kenyereye cakedaw la, kategori A be taa lafijebó la a si haké san 60, kategori B, C, D ani E olu be taa lafijebó la u si san 58.

Baarakelaw damakeye baara sariya fe Mali kono, depite 107 sonna o yelemani ma; nka depite 1 y'a yere miné, o ma wote a kan.

Alayi Lamu
Dokala Yusufu Jara

Fasodennumanya sabatilijekulu (gurupu situwayen) : taabolo kura ka nesin wulakonokominiw ma Baabu kun to

Kabini fasodennumanya sabatilijekulu sigituma sen kan san 2011, marisikalo la, lafaamuyalikan kera an kun yiriwali sorow ladoncogo kan (lenpo ni taksiw), fen minnu lenpo be sara, olu jate lakurayali, dugudenw kunnafoni labencogo n'a kecogo kan, komaseginni kunnafoniba komini kow nenaboli kan, kunnafoni, lafaamuyali ani fasodennumanya jogo donni kan.

Lafaamuyalikanw bannenk, baaraw ani kunnafoni jensencogo bolodara, minnu waleyara duguw konon ZAD ka deme ye ani meri sekereteri zenerali ani sorow ladonni waleyabaa (erezisri) sendonni y'a la. Nobo minnu kera yiriwali sorow ladonni (lenpo ni taksiw) na ani fen minnu lenpo be sara, olu jate lakurayali la, o ye nisondiyako ye. O kunnafoniw file.

San 2011 yiriwali sorodaw ani san 2012 ta bolodalenw sangajogonna katimu

Fenw togo	San 2011 fen sarataw hake	San 2012 fen sarataw hake	Furance	Kemedoya dofarankan hake (%)
mogo minnu nisongo be sara	2809	3763	954	33,96
motow	00	08	8	—
negesow	97	114	17	17,52
misiw	468	533	65	13,88
sagaw ni baw	317	366	49	15,45
farafinmarifaw	66	96	30	45,45
faliw	00	05	05	—
tubabumarifaw	30	30	00	—
Yiriwali sorodaw dofarankan kemedoya hake : 25,25%				

San 2012 yiriwali soroda bolodalen minnu jate minena dutigisebenw ni meri erezisitirw kono, o katimu

Fenw togo	San 2011 hake	San 2012 fen sarataw hake	Kemedoya dofarankan hake (%)
mogo minnu nisongo be sara	3763	d. 300	d. 1.128.200
motow	08	d. 1200	d. 9.600
negesow	114	d. 200	d. 22.800
misiw	533	d. 30	d. 15.990
sagaw ni baw	366	d. 10	d. 3.660
faliw	05	d. 30	d. 150
farafin marifaw	96	d. 120	d. 11.520
tubabumarifaw	30	d. 1000	d. 30.000
San 2012 wari mumu jateminen :			d. 1.222.620

San 2011 ani 2012 jate minenenw sangajogonna katimu

Fenw togo	San 2011	San 2012	Furance	Kemedoya dofarankan
Sobara komini	d. 919.040	d. 1.222.620	d. 303.580	33,02%

Minisirilaje ye Mali korenfela marabolo kuraw boloda

Minisiri sigira Kuluba peresidanso la, arabadon desanburukalo tile 14 san 2011, a nemogoya tun be jamanakuntigi Amadu Tumani Ture bolo.

Laje in senfe, jamana marabolow Minisiri ye sariya do poroze dajira goferenaman na, ben kera min kan, ka nesin marabolo kuraw danboli ma jamana korenfela la. Tawudeni kera Mali marabolo 9nan ye, ka Menaka ke 10 nan ye. Sariya in y'a jira ko korenfela la Tumutu ni Gwo tilala ka u ke marabolo naani ye : Tumutu, Tawudeni, Gwo ani Menaka.

Tumutu marabolo (Serikili 5) :

- Tumutu serikili : Tumutu dugu kubeda, Aligali Kubeda, Béri kubeda, ani Bumeri Inlayi kubeda.

- Direyi serikili : Direyi dugu kubeda, Sanga kubeda, Hayi Bongo kubeda, ani Sareyamu kubeda.

- Gundamu Serikili : Gundamu dugu kubeda, Bintagungu kubeda, Duwekire kubeda, Farasi kubeda, Arazelima kubeda, Tonka kubeda, Garigando kubeda ani Tilemisi kubeda.

- Gurima Ararusi serikili : Gurima Ararusi dugu kubeda, Banbara Mawude kubeda, Haribomo kubeda, Gosi kubeda, Inajatafani kubeda, ani Winarideni kubeda.

- Nafunke serikili : Nafunke dugu kubeda, Banikani kubeda, Janke kunbeda, kumayira kubeda, Lere kubeda, Ngoriku kubeda, Sarafere kubeda, ani Sunpi kubeda.

Tawudeni marabolo (Serikili 4) :
- Fumu Aliba serikili : Fumu Alibadugu kubeda, Ahanki kubeda, Arawani kubeda, Tegaza kubeda, ani Tawudeni kubeda;

- Asuratiserikili : Asuratidugukubeda, Aligatara kubeda, Alifazuna kubeda, Alimatala kubeda, ani Liraka kubeda;

- Ali Urise serikili : Ali Urise dugu kubeda, Jaba kubeda, Umu Laadamu kubeda, Tuwali kubeda, ani Ziriba kubeda;

- Bujebeha serikili : Buyebeda dugu kubeda, Agoni kubeda, Eregekali kubeda, Limugasimu kubeda, ani Zuwayiya kubeda;

Gwo marabolo (serikili 4) :
- Gwo serikili : Gwo dugu kubeda, Jeboki kubeda, Hawusa kubeda, Tulani kubeda, Ntiliti kubeda, Awukeri kubeda, ani Wabariya kubeda;

- Alimusitara serikili : Alimusitara dugu kubeda, Agarusi kubeda, Erisani kubeda, Mbélikiti Lijuli kubeda, ani Tabankoriti kubeda;

- Ansongo serikili : Ansongo dugu kubeda, Wataguna kubeda, Talatatiye kubeda, ani Tesili kubeda;

- Buremu serikili : Buremu dugu kubeda, Banba kubeda, ani Temera kubeda;

Menaka marabolo (serikili 4) :

- Menaka serikili : Menaka dugu kubeda, ani Infurikaratami kubeda;

- Anderabukaniserikili : Anderabulan dugu kubeda, ani Azawaki kubeda (Ini Sinanane);

- Inekariserikili : Inekari dugukubeda ani Ilamawani kubeda (Fanfi);

- Tidemeri serikili : Tidemeri dugu kubeda, Alata kubeda (Saheni) ani Tejareriti kubeda.

Kubeda ninnu kelen-kelenna tilalen don ka ke dugu misenninw ye ani kabilaw.

Goferenaman ka jate bolodalenw na, jamana bena ke marabolo 19 ye ka marabolo 11 fara korenwen kan.

Mahamadu Konta

San 2012 baarakenafole segesegera depitebulon kono

Depite mogo 134 minnu tun be kene kan, olu ye jamana ka baarakenafole boloda san 2012 kono k'a jate ben sefawari miliyari 1.341 ani miliyon 508 ani ba 174 ma.

San 2012 musakaw jatera u fe k'a ben sefawari miliyari 1.483 ani miliyon 435 ani ba 407 ma.

Wotew musaka taara i jo sefawari miliyari 17 la.

San 2012 baarakenafole desera ni sefawari miliyari 141 ye ani miliyon 988 ka soro salon ta tun desera ni sefawari miliyari 147 ye ani miliyon 968.

Alayi Lamu / Mahamadu Konta

Bananba - Tuba siraba bena ke gitron ye

Kalo damado kono, Bananba ni Tuba ce siraba bena ke gitron ye k'a bila Bamako - Kulukoro - Bananba - Nonon siraba la. Jamanakuntigi Amadu Tumani Ture y'o gitron in dali baaraw dabaje folo ke Tuba sibiridion desanburukalo tile 10 san 2011. Siraba in janya ye kilometre 13,5 ye. A dilanni be cakeda do bolo min be wele « Sitac. SA ». A musaka be ben sefawari miliyari 2 ma. Goferenaman bena a jo ni musaka in boli ye. Kalo 12 sarati dalen be a baaraw kama.

Bayi Kulubali / Dokala Yusufu Jara

Kani 2012 surunyana

Mali ni jamana 4 benna kulu D kono; n'o ye Gana, Gine Konakiri, Bosuwana ka fara Mali yere kan. Olu ka kulu ntolatanw be ke Liberewili Gabon faaba la. An ka nsana do b'a fo «n'i ko i ce ka ni sufe, ni dugu jera o na don». A san joli ye ninan ye, Mali Samatasegew be ye Kani fadenkenew kan? O'n'a ta bees kelew be ntolatan nemogoyaso kono. An dun tulo be nunuñunukanw na yen. Wa nin t'a siye folo ye. San 2008 Kani min kera Gana jamana na, ani san 2010 Kani min kera Afirikidisidi, bennbaliya fanaye ko caman tijé Mali ye ntolatan nemogow koson. Fo a kera sababu ye

Samatasegew ka dese joycra 4nan soro la Kaniw na. Anta kelen be ka taa an yaala ka segin ten. Ni ben ma ke ko o ko la, o te se ka sira soro. Fo nemogow k'a to u hakili la, ko hali n'i ye dijne ke sefan kelen ye, do be sange siri a kono. Bees te se ka ke nemogo ye.

K'a damine san 1994 na ka se ninan ma, Mali tun ma deli ka ben ni nin joggona ntolatankulu ye Kaniw na. A kulu ka gelentfolka hakete. Ne bolo a jamana 3 bees ka labenwsabatilendonka teme Malita kan. Halisa jigisigiyoro t'anw bolo folo; fo anw be senkellennataama na. Ne be min fo an ka ntolatannaw nemogow ye, u k'u hakili to ntolatanna denmisew na.

Don do denmisew ye don do mogokoroba ye. Ni nemogow ka bennbaliya ma mako min sa ntolatanma, a t'o nea ma. A te bange fosila kunmasuuli ko. Sanga ni waati bees la an be Kani kenew kan; nka ante ka se wasalen soro folo. N'an ma se soro, kuma suguya bees be fo a ko la. Ni d'ow m'a fo ko Nci no don, d'ow n'a fo ko Zan no don; d'ow yere b'a fo ko Njolo no don.

Nci ni Zan ani Njolo bees dun ye sinji kelen ye. An ka do fo an yere ye. Anw ka ntolatan kelen be n'i ye min y'a kono, o bees y'a do ye. Kani 2012 ntolatan, Ala k'an bo a musobolo fe.

**Yaya Mariko
ka bo Senu Bamako**

Senekele nontan, geleya ma teme o kan

Ne be nin bataki in ci Kibaru ma ka foli lase Kibaru kanubaaw, a baarakelawani Arojomali baarakelaw ma.

Nin ye laadilikan ye k'a lase senekele ma; kerenkerekennya la Moti mara senekele. Jantonyerela koro ka ni. Jura nosanna minnu be yaala la sigidaw la wulakono duguw la sisan, u n'u kono be nogo na. An k'an janto suman feerecogo la u ma.

An kana an ka neema soroen bees bo an bolokoro ka di mogo werew ma kasoro suman songo duman soroaati te sisan ye.

Senekele mana a ka suman feere da su la kabini sisan, sanko balodese kibaruya jugubejamana kono ninan, o be laban nimisa la. Nimisa dun be ko o ko kofe, mogo ka kan k'a janto a yere la o ko la. Yanni mogo min ka siran a faden fentigi ne, a ka

siran a fenmarala ne. N'an ma ne sumandofeerelik, an ka denbaya balo ni musaka tow soroogo jate mine k'olu to an bolo bilankoro ye.


Senekele nontan wula kono, geleya ma teme o kan. Hali an ka koketaw, an ka do bo nin bees la. Soro mana laada min sigi, koli mana na o b'o wuli.

**Solomani Jara ka bo
Tomina, Sofara fe,
Jene mara la Moti**

Ja ni ntumuwb'e ninika senekele bololankolon bo

An be don min na baara min be Kedugu sisan, o ye fobonda baaraw ye. Nka ninan samiyé ma ke sahaba ye. Njoo caman jara kasoro u ma kogo. Sanji ma laboli ke. O geleyaba be senekele kan. Tigaw yere jara kasoro u ma sen. Baloko jore be mogo caman na ninan.

An jigi tun be woso minnu kan, olu fana ma ke sahaba ye. Ji tigerla u la, u ma se ka ku ta kosebe. Ntumuwb'e labanna ka wosoko tijé. Santemnenw na, mogo tun be se ka wosoboro 100 soro taari tilance la. Nka ntumuwb'e ja fe ninan, taari 1 soro ma teme wosoboro 70 kan. Denbaya dun musaka fanba ani denmisenniw ka kalansaraw, olu sirilen be wososorolila. Wosoko tijé, geleya be son ka don nin bees la. Bee b'a do Kati mara ye woso senekele ye Malikono Sikaso mara bolel ko a la.



Isa Jalo

Wa denbaya caman be yen o balo filanan be soro wososene na.

**Isa Jalo ka bo Kedugu,
Dugabugu komini na Kati**

Sanji ma senekele caya ka salon ta bo, nka soro kera

Anw fe yan, ninan sanji ma salon ta bo k'a sababu ke okutoburukalo la sanji ma na kosebe. A ma teme nako 2 kan. O benna milimetere 8 ma.

San 2012 sanji mumé ye nako 55 ye, milimetere 882. Kasoro san 2010 samiyé la, sanji ye nako 49 ke, milimetere 1.066. Milimetere 184 b'o ni ninan ta hake ce. O n'a ta be, anw be Ala tanu; sabula senefer caman nena ninan, ka teme salon kan..

Seyidu Fomba ka bo Jele Beloko, Doyila mara la

Jamana nemogow ku hakili to Kolokani serékili la



Mamadu Jara

Npiyela Jurukoro Kulubali, Sirankoroni Lamini, Nonkon Donume Jara, Koyan Jore Tarawele,... Nka ninbe tora fasopinikle la. Okeliba in de welela ko, Beledugu muruti. A kera san 1915 mariskalo tile 7. Tubabukel ye dankari Beledugu kelabolo la Kojalanda la. Zanbugu de sigilen b'o Kojalanda in na Nosonbuguni Wolodofurance la.

**Mamadu Jara ka bo
Npeseribugu, Masantola
komini na Kolokani**

Sanji forila anw fe Solabuguda la

Anw be Ala fo k'a barikada. Ka da a kan ninan samiyé forila kojuman anw fe, hali ni samiyé damine tun benn geleya k'a sababu ke sanji soro baliya ye joona. Anw ka sumanw nena, koori fana nena.

Jatemine na, san 2010 kono, sanji nanen benna milimetere 1.130 ma. O sanji laban nana okutoburukalo tile 21. San 2011 sanji nanen benna milimetere 1.167 ma. O sanji laban nana okutoburukalo tile 26.

Yakuba Tarawele ka bo Solabuguda la Narena

Koorko te ka bo a sira fe

Ne nisongoyalen be ninbataki ci Kibaru nemogosoba la k'an ka yoro kunnafo di. Anw ka samiyé ma diya; sabula sanji ma na. San 2011 in samiyé na, sanji min nana, a ma se ka mako ne.

N'i y'a jate mine, kabini now wolola sanji ma na u kan. Jifali kono sanji min soro la o ma teme nako 20 kan, milimetere 180.

Otemenen kofe, min kono na fili be anw na, o ye koorko ye. Koorkisene te ba la anw fe Kati mara la. Nka sisan anw sago don k'an nesin a ma. An sirannen de don. Sanji nafama te ka soro tuguni,

cikelakoliden dwon ka kewale jugu d'ow fana be k'an siran koorko la. Cikelakolidenw be taa don koorki bees lamarayoro la ka koorki laje. K'a deziyemu n'a peremiyé danfara u yere ma. U te son koorkitigi ka don u nefe o baara koyoro la. Anw

ma se k'o faamuya. Ka koorko to nin cogol la, mogo caman ja tene farinya k'i bon a kan. Sabula a tun fora k'a diya an ye kossbe.

**Seku Umaru Konare ka bo
Jifali, Jedugu Torodo
komini na Kati**

Ntolatan geleyaw ka furake yanni Kani 2012 don ce

Mali be taa Kani 2012 kene kan. An be dugawu ke, Ala k'a ke netaa ye. Jamanadenw nisondiyara. Nka hakililajigin don; jamana nemogow k'u bolo di nogo ma ka ntolatanba in nesigi. Sabula bamananw ka nsana do b'a fo, ko «n dalakilisi ka di, i y'i da de mosonyoro soro». Kani 2012 ni labenni ka kan. O kera damine kabini sisan; waati sera kaban. Mali be kulu min kono; o jamana be togo ka bon ntolatanko la. O de koson n sago don sigikafé caman ka ke yanni kani ntolatanw damineni ce. Okun te dovere ye an be don min na sisan, bidonbaantanya be Mali nafela la. Feere ka ninia o la walasa bidonbaa nana ka se ka soro a tuma na, ani ka ntolatannaw fara nogo kan u ka se ka nogo faamuya joona. (Ntolatannaw ka nogo faamuya baliya, o be kolosi kosebe Mali ka ntolatanw senfe. Nin bees ka kan ka njenini a tuma na). «N ka foroko be n sebe la, ni jiri misenw m'a don, waga b'a don» Kani 2012 nembilalibar labennw mana ke joona, a ka ca a la Samatasegew be son ka yoro jan taama fadenkena kan.

Isa Jalo ka bo Kedugu, Dugabugu komini na Kati

Kalankene n° 113nan:

Masalaw səbəncogo (Hakilijagabō)

Kibaru temenewna, any'a jira ko danfara be cogoyafo ni lakalili ce. An y'o danfaraw labo. Sisan an bəna kuma masala səbəncogo min kan, o ye Hakilijagabō ye. Ale ni to fila in si te kelen ye. Miiri ni taasi yere de b'ale kono.

Mogo b'i hakili jagabō fen do walima ko dō de kan. O fen in walima o ko in ye hakilila dō de ye, i b'i miiri k'i taasi min kan. Misali dōw file nin ye:

1 - Bazumanaba ko «N na n dege senkelentaama na dije man di». A nefo k'a tereme.

2 - Jinan, samiyə nəna a ma ne. E ko di o la?

3 - Farafinya taara k'an dan, an təna ke tubabu ye. A ko dun bəna ke cogo di sa?

4 - Denmisən ka kan k'a bangebaaw sara ni min ye? A nefo k'a tereme.

Nin bəe ye hakilijagabō ye. Caman wəre bə yen. Hakilijagabō be se ka labən ko bəe kan, ani hadamaden kunkanko bəe

hakilijagabō nafa ka bon kosebe, bawo geləya o geləya mana hadamaden soro, a bəe fura be bo hakilijagabō de la.

Hadamaden ka jetaa, a ka yiriwali kuntaala jan, Ala ka deme bəlen ko yen, a juba ye hakilijagabō ye. O koson, a bənbaw tunb'a fo ko mogoya ye hakili ye. Ko dusu kana bila hakili ne bawo o caman ko ye nimisa ye.

Masalaw səbənni na, hakilijagabō te ke kufə, sariyaw de b'a la, dije bəe bənnen don minnu kan.

Hakilijagabō ye suguya fila ye: do la a be jini kalanden fe a ka hakilila dō nefo k'a tereme. Do fana na a be jini a fe, a k'a fo "əwo", ka tila k'a fo "ayi", ka tila ka "əwo" ni "ayi" bolo don nogon bolo. An bəna dōfə nin fila bəe kan. Nka an b'a damine ni folen folo ye: Hakilila dō nefoli ani k'a tereme.

I n'a fo cogoyafo ni lakalili, dakun saba be hakilijagabō fana na: nebilə, walāwalanni ani kunceli.

Nebilə : Tigəda fila be hakilijagabō nebilə la:

- Mun fora hakilila kono?

- N ka kan k'a ke cogo di ?

Nin jininkali fila jaabi, o de be bən nebilə ma hakilijagabō kono.

An ka an ka misali 4nan ta k'a laje ka jininkali fila ninnu jaabi: «Den ka kan ka bangebaaw sara ni mun ye? A nefo k'a tereme».

Mun fora hakilila in kono? O jaabi bəna ni nebilə tigəda folo ye. «Hakilila in b'a jira ko bangebaaw ye baara min ke denye kasorja te se kola, a ka kan k'u walenumandən o la». O ye tigəda folo jaabi ye. Tigəda folo la, i b'a laje ka hakilila nefo kasorjima fən fəra a kan, i məfən bə a la, k'a jirak'iy'a faamuya.

Tigəda filanan na, i b'i yere jininkina ka kan k'a ke cogo di sisan?

A ka jii bəna min ke, i k'o labən ka ke jininkaliw ye, i b'e minnu jaabi walāwalanni kono n'oye Hakilijagabō dakun filanan ye. Misali la.

«N'i ko i b'e nin hakilila in nefo k'a tereme, a fo ite se k'a fo ko den ka kan ka bangebaaw barikanini, a si bəe lajəlen kono wa?»

Sisan an ye nebilə dō soro hakilijagabō in na. An k'a dakun fila

fara nogon kan:

«Hakilijagabō in b'a jira ko bangebaaw ye baara min ke denye kasorja te se kola, a ka kan k'u walenumandən o la.

N'i ko i b'e nin hakilila in nefo k'a tereme, a fo ite se k'a fo ko den ka kan ka bangebaaw barika jini a si bəe lajəlen kono wa?

Kolsili : An be dan nin sen in na nebilə ma, bawo n'an ko an be walāwalanni ni kunceli tugu a la, a be son ka nagami mogow kunkolo la, sango minnu ma dege nin nogonna baaraw la.

Kibaru natawla, an be teme n'a to ye.

An be se ka min fera nin kan, o ye ko nebilə min labənen file nin ye, o ye anw ta ye. Mogo wəre be se ka dōwəre ke. Nka a mana ke mogo o mogo ye a ka ni tigəda fila ninnu ka ye nebilə kono.

O kofe, hakilijagabō la, nebilə be se ka labən ni jininkalikumasen ye nk'o te wajibi ye.

Mahamadu Konta

Dukene n° 88nan :

Fasodenya seereyasəben, sigiyərə seereyasəben ani səben ladege seereyali

1 - Fasodenya seereyasəben ye makojəsəben ye min be jini mogo fe kalansobaw la, baara jini senfe, kiiməniw, nogondanw ani ko wərew. Ale ye səben ye, min b'a jira k'i ye jamana den ye, k'i ye Maliden ye, k'i te dunan ye. A be fo a ma tubabukan na «certificat de nationalité».

Ni mogo min mako be fasodenya seereyasəben na, o be taa kiitigeso la, n'oye «Tribinali» ye. I be taa n'i ka wolosəben ye ani 150 sefawari. O don bəe a be soro.

2-Sigiyrə seereyasəben ye səben ye, min be mogo sigiyərə pereperelatige jamana dugukolokan. A be jini mogo fe ko dōw la, i n'a fo sannifeerew, dugukolokow ani dōwərew. Tubabukan na, a be wele «certificat de résidence».

Sigiyrə seereyasəben be soro Meri la walima polisiso. Səben minnu be jini mogo fe walasa k'a soro olu ye:

- Karadante (bugunnatigesəben) min jəci ma ban. N'o t'i bolo wolosəben.

- Tenburu (bi 4 ta)

A be dilan mogo ye fu. A ka ca a la a be soro tile 1 kono.

Kolsili: Ni denmisennin don, a bangebaaw walima a be lamə na mogo min bolo, o ka karadante, ani den ka wolosəben, k'a fara bi naani tenburu kan, a be soro n'olu ye.

3 - Səben ja walima a ladege seereyali be ke Merila walima polisiso

walima zandaramaso walima kubə la ani noteri fe yen.

Makojəsəben dōw be yen, olu suguya kelen de be di mogo ma, i n'a fo dipulomu, kiimənisəbenw ani dōwərew. Səben jənjən lakika kelen min be di i ma, i man kan k'o bo i bolokoro. O tuma a diyagoyalen don i kan i ka jənjən in mara konuman. Nka i be se k'a lacaya, lacaylimansin na. A be fo olu ma ladegew walima səben jaw. O ladege ninnu te mako ne sariya nekoro fo i ka taa n'u ye fangasola, a ka lakodonyen ka bolono nitappon ke ukən. Omana ke, i be se k'a ladon i ka səben təw fe faamakunda. Nka makojəsəben bec ko te. Səben jənəma minnu be yen n'u kuru kelen de be di mogo ma, wa u te di sijə fila, olu de ko don.

Polisiw ni Zandaramasow la, a ka kan ka ke fu. Nka Meri la, bən mana ke wari hake min kan jemogow fe, i b'o sara səben kelen-kelen kunkoro. Bamako yan, səbenladege kelen seereyali be ke dōrəme 20. A be soro tile 1 kono.

Mahamadu Konta

Makɔrobəro : Lakanani

Finitigiw be u faso lakan. Faso lakanakunye faso kono fənw ka tanga, u ka kisi tijeni ma. O cogo la, forotigi b'a ka foro lakan cogo min na tijenifənw te se k'a ka sənefən tijə, kono n'i waraw n'u nogonnaw.

N'a fora ka denmisennin lakan, o be faamuya cogo di?

Denmisennin lakanani jininen don bəe fe, k'a ta bangebaaw la ka se mogo gansan ma min be se ka don a ni ko ce. Ko min don yan, o ye tijəni ye min be dən kari denmisennin farikolo la. Wale fen o fen de be da farikolo kan ni dimi b'a la, o wale sina be dan kari farikolo la. A folo ye gosili ye, n'o ye bugoli ye. Cənimusoya wale fana be dan kari farikolo la, ka denmisennin jənəma farikolo la; k'a lakuma diyagoyasira fe, i n'a fo k'a lakongo anik'a tō minnogoka dantəməgan a la, o bəe ye ka dan kari a farikolo la.

Nin wale ninnu n'u nogonnaw ka jugu denmisennin farikolo ma bawo u be se ka fijə bila a la. O fijə b'a ke mogo ye. Yorə wəre be yen a ka jugu min ma ka teme farikolo kan. O ye denmisennin hakiliyanfan ye. O fana ye fijə ye min be denmisennin ke mogo ye. Hakiliyanfan fijə ka jugu

ni fijə təw ye.

Fijə de be denmisennin ke mogo ye. A be fo an bəe ye ko ni den laməbaaw be u pəren a kunna, a be ke jawulito ye, a hakili te sigi. Jawulito ye fijə de ye. Ni dan be kari denmisennin farikolo la, dimi hake do de be ke a kan. Dimi in b'a labaara hakiliyanfan, walima a be dimi in munu a be ke kənənamogo ye, kənənamogo n'a kələlə juguw don; walima a be cawucawu, o fana n'a kələlə juguw don; walima a b'a ke nijugu ye, nijugu fana n'a kələlə juguw don. Nin bəe be se k'u yərə soro denmisennin kelen na. Nin kelen ka ke denmisennin na walima a bəe ka ke a la, a b'a k'a hadamadenya geləya a folo bolo, ani mogo təw fana bolo.

Ni mogo kelen ka hadamadenya geləyara sigida la, o geləya kələlə be se ka se bəe ma. Misali la, nijugu o, kənənamogo o, mogo cawucawulen o, ninnu bəe ye hadamaden ye, mogo təw ka kan k'u hakili to minnu na sanga ni waati bəe la, u dəkana tijəni ke sigida la u jinəma. Sirannejən don. O tabolo ma, fen o fen de be se ka denmisennin ke don dəsikanamogo ye, a laməbaaw ka kank'a lakan, k'a tanga o ma walasa a be kisi, a te ke mogo ye, a te ke sirannejən ye.

Bangebaaw, denmisennin laməna, an ka denmisennin lakan k'a tanga tijəni ma, min be dan kari a farikolo la. O de be a kisi mogo ye ma. A te cawucawu, a te ke kənənamogo ye, a te ke nijugu ye, a te ke sirannejən ye.

Karamogo Daramani Tarawele
"Ko y'an bolo denmisennin ka ko"

Laadilikan caman be səcə Kibaru kono

Ney'a yesan 2011 in okutəburukalo Kibaru kono, ko maakɔrobəro. N'a ye mogo min diya, o ka mogo kərəba bonya; n'a ma min diya o k'a bonya. Mogo be mogo kərəba bonya i yere de ye. Denmisenn, a'ye mogo kərəbabonya. O nafa de b'an kan. Mogo mana fen o fen ke i b'o nafa soro. Ni Ala ye si kalifa i ma k'i fana ke mogo kərəba ye, k'i to mogo kərəbabonya la, i n'a dən ko nafa be sijə la, ko mogo kərəbabonya ka ni.

Adama Kulubali ka bə Sebeninkoro Bamako

Fawe-Mali ka laje «Lise» yelembaw kan (kalanso 10nan, 11nan ani 12nan)

Afiriki kono, kalanko némogow musokunda, oujera ka wulikajoyekulu do sigi sen kan san 1992 ka nesin musomanninw ladamuni ma k'a togo da «FAWE.» A bolofara be jamana 35 kono. A ka baara ye ka musomanninw deme lakolikalan siratige la baarako la, ani musoya minecogo numan, keneya sabatili ani jogonumanya.

A bolofara min be Mali kono n'o ye «FAWE-MALI» ye, o sigira sen kan san 1996, a yelemana ka ke Demédonjekulu (ONG) ye san 2000. A némogoba ye Madamu Samaseku Kankun Tarawele ye.

FAWE-MALI sigili ni bi ce, a ye baara caman ke: baaradegekalanso joli Makanjanna, Kati mara la cikedugulamusomanninw ye; balikukalano 20 dayelé Bafulabe musomanninw ye; FAWE bolofara 106 sigili kalansow la; musomannin togoladon labenni; ani dowerew.

Ninan, FAWE-MALI ye musomannin togoladon ke koba ye. Tilefilalaje kera okutoburukalo tile 21 n'a tile 22 Bamako yan. Tile folo kera barosigi ye Bamako lajekesoba la, minbolila yelembawkan, minnudonna Mali kalanko la; kerenkerennnya «Lisew» la, k'a ta kalanso tannan na

ka se tan ni filanan ma. Soba min be wele «Santiri Joliba», laje filanankera yen. O bólila «Pilan Mali» ka laselisèben kónokow nfolikan mögow ye.

Olaselisèben in togo «Bawo ko ne ye npogotigi ye»; o n'a koro be nögön na.

Barosigi min kera «Lise» yelembaw kan, an y'a kanu k'o kónokow bakurubafo kibaru kalanbagaw n'a kanubagaw ye, sabula kalanko ye bëe kunko ye. Barosigi in kera an balimaké Mohamaduni Agi Hantafayifé, ale ye Mali «lisew» némogó dankan ye. Kalanko, Balikukalan ani Fasokanw yiriwali Minisiriso ye yelema minnu boloda «lisew» la olu file nin ye:

Ninan lakolisan na, kalan taabolo yelemana pepewu an ka «lisew» la.

A y'a jira ko kalandenw genni an'u laseginni kó, o hake ka ca kojugu. O koro te ko kalandenw te fen dòn; nka fiñé be kalan taabolo yere de la.

A kolsira ko kalan min be ke denmisénw kun kalan dugumada la k'a ta kalanso folo la ka se 9nan ma, o ni min be ke u kun cemancekalan na, k'a ta kalanso 10nan na ka se 12nan ma, olu te nögön ta hali doun; u te nögön dafa, u be komi jege jalan

ni bají.

O bolen kó yen cemancekalan ni sannakalan, n'o be ke kalansobaw la, olu fana te kelen ye, u te nögön dafa. U koni be kalanden kunkolo fa, nka kodon ani konedon, a te se o la.

Yelema kura ninnu kun ye ka kalanden kunsin baara do keli ma kabini a be «lise» la.

O b'a to kalanba fu be dabila. Ka kalan i ko i kun ka fara kasoro i te se ka baara fosi ke i yere ka fen soro; ka ke doniye i somogow bolo anijamana kan, fu bëna siri o de dan na.

«Lise» kalan kuntaala, o tora san 3 la a no na, yelema ma don o la.

Nka kalanbolo kera fo woɔro ye. O b'a to, kalanden fanga ka bon kalansen minna, ak'osugandi walasa a kana dëse taalen nefe.

A ka kalan be taa kuncé ni baara min ye, a b'o dòn kabini «lise» la.

Kalansen woɔro ninnu bolodara cogo min na o file nin ye.

1 - Kan ani Masalaw dönniya (*Langue et lettres*)

2 - Seko ni dònko ani masalaw dönniya (*Art et lettres*)

3-Hadamadenko dönniya (*Sciences Humaines*)

4 - Soro yiriwali dönniya (*Sciences Economiques*)

5 - Kolosiladönni ani Sifileli dönniya (*Sciences Expérimentales*)

6 - Kolosilidönni jönjön dönniya (*Sciences Exactes*)

Kalanden te bila nin dakun si la kufé. Kalanso 10nan na, u bëe be je ka kalansen ninnu bëe kalan. San laban na nögöndanw jaabiw b'a jira kalanden fanga ka bon kalansen minna. N'o donna, kalanso 11nan a bëe bila o kalan dörön sira kan. A ka ca a la, a man kankadese o la bilen; bawo sëgesegeliw y'a jira k'o dönniya de b'a la ka teme kalansen tow kan.

Kalanso 12nan na, a be teme n'o kalansen kelen in de ye k'o sinsin. N'a ye «Baki (Bac) soro, a be taa o kalansen kelen in de fana soro a ne kalansobaw la walima Iniwérisitew.

Yelembaba wëre min donna «Lisew» kalankola, o kera fasokanw kalanni farali ye kalansenw kan. O daminena ninan kalanso 10nan na.

Kalandenw b'u nena ta fulakan, körbörökán, Burudamekan ani kan tow la. Min ka di min ye o b'o kalan. Diyagoya don, bawo fasokanw be kalan kalanso fitininv na bi. U be kalan kalansobaw la, munna u te kalan cemancekalsow la?

Yelema kura ninnu mana bo u sira fe, a do la Mali kalanko be taa ne.

Mahamadu Konta

Kanko taabolo dantigeli tilesabalaje baaraw kécogoya

Taratodon desanburukalo 6, arabadon kalo tile 7 ani alamisadon kalo tile 8 kera baarabaw la ka nesin jamana kanko taabolo dantigeli ma Bamako yan, lajekesoba la.

'Laje'ba in dayelé nénajew némogoya tun bëkalanko Minsiri bolo, Saliku Sanogo, sekondonko Minisiri, Hame Nangi ani karamogo Mahamadu Banba, Nko tondenu némogoba Mali kono.

Nénajew daminena ni Malijonjona fasa ye; o dara bamanankan na Lafiabugu «C» kalandenw fe, ka bo komini 4nan na. O kofé komini 3nan Meri ye kuma ta ka jama bisimila. Nögölonbölaw tugura ale la. Olu ye

kancamanfo nafa da kene kan u ka nögölon kono. O kofé Afiriki kanko nénabòlicakeda némogoba ka ciden ye kuma ta, ka foli lase malidenw ma u ka césiri la ka nesin fasokanw ani Afiriki kanw yiriwali ma ani ben ni kelenya sabatili. O kofé, faso ka foliékulu min be wele «Ansanbulu»,

olu ye foli ke ka jama lajaga sanni Minisiri Saliku Sanogo ka kuma ta. Kalanko Minisiri kumana laje in nacogo kan, a kun n'a nafa, k'a ka Kumaw laban ni foli ye ka nesin jamanakuntigi ma, Mali demebagaw anilajekela kelen-kelen ka bo jamana fan tan ni naani kono.

Laje nénajew kuncera ni gafew lajeli

ye minnu sëbenna fasokanw na, jamana gafedilansow fe.

Peñajew bannen, baara yere yere daminena. Barosigi naani tugura nögön na. Folo kera an balimaké Mamadu Yusufu Sise fe, ale ye semudete baarakela koro ye. Ale kumana balikukalan joyçra kan semudete ka netaa la ani cikelaw yiriwali. Karamogo Muntaga Jara kera barosigi filanan kumatigi ye, ale ye kankodönniya tigilamogo ye. Baara minnu kera fasokankalanko Malikono, balikukalan sira kan ani lakolisow la, k'a ta yere la fo bi, ale kumana o kan. Barosigi sabanan kumatigi kera an karamogo Adama Sisuma ye, ale ye sigida lakodönniye némogoba ye Malikono. Ale kumana fasokanw joyçra kanka nesin mara latemecogo numan ma ani sigidaw yiriwali. Ale bolen kó yen, karamogo Tomasi Bileki géré la. Cakédaba min sigilen be dijé kono kanko dönniya yiriwali kama n'a be wele «SIL» tubabukan, ale be baara ke yen. Ocakéda in be ninini ke kanw kan minnu be nini ka tunun walasa k'u lajenamaya, ani kerciyendiine sinsinni.

Tomasi Bileki kumana kanw ka kunkeneya cogoya kan, an'u taabolo latigecogo numan.

Tile folo baaraw kuncera wula fe ni

nininkaliw ye lajekelaw fe minnu kala semena kumatigi naani ninnu na walasa ka faamuyaw sinsin.

Tile filanan baaraw daminena ni an karamogo Adama Samaseku ka kuma ye. Ale ye kalanko Minisiri koro ye, wa Afiriki kankow nénabòlicakeda, ale de fana kera o némogoba folo ye. Dönnibagajekulu min sigira sen kan ka jamana kanko taabolo dantigeliében laben, ale de fana tun y'o némogoba ye. Ale ka kumawbolila sëbenna in kónokow nfoli kan min sëgesegera lajekelaw fe. Sëben in gafelama don, dakun 9 b'a kono, ani ne 97. A tilalen kó kuma na, mögow ma yorominnu faamu, uye nininkaliw ke a la ka nesin o ma.

Tile filanan baaraw kuncera ni lajewama tilali ye kulu naani ye. Sëbenba in dakun kónonton tilala kulu ni nögön ce. Baara min dira kulu kelen-kelen ma, o kera dakunw sëgesegeli ye, ka filiw ni fiñé bo u la, ka dafali ni dakejeniye, ka benfola, ani ka komagéleyaliw ke, u naniye ye minyefasokankola an'ub'a fe baaraw ka ke cogo min na.

Laje'ba in kuncera tile sabanan na, ni kulu naani kà baara kelenw nfoli ye u benna ko minnu kan'an'u ka komagéleyaliw kalanni.

Mahamadu Konta

Jakuma miliyaritigi be Itali jamana kan

Nin kera jakuma do ye ka bo Itali jamana kan, a togo Tomasino. A tigi tun ye muso do ye, o togo tun ye Mariya Asunta. Muso in tun ye nafolotigiba ye, sefawari miliyari 7,6 tun b'a bolo. A y'a sëben ka bila ko n'a sara a ka jakuma k'a ciyentabaga si t'a kó. O de kama, jakuma in kera miliyaritigi ye kasoro a yere t'a kalamá.

Nka Itali sariyaw y'a jira ka nafolo tigya te se ka di baganw ma. O tuma nafolomuguba in bëna bila baganw ni sogow Imadonni cakedaw ka bolo kan.

Alimanjamana kan, alimanwulu do delila ka sefawari miliyari 65,6 soro ciyen ye a tigi salen. O wulu in tun togo Gunteri. Ngón do fana dalila ka sefawari miliyari 30 soro ciyen ye a tigi salen, a togo tun ye kalu.

Fen fila de ye nin nafolotigi ninnu bila nin naciyentabagantanya ani deli.

Ben kera Hadamaden ani Du kunkankow sariya kan

Jumadon, desanburukalo; tile 2, san 2011, depitew dijena ni sariya ye min be boli Hadamaden ani Du kunkankow nənaboli kan an ka jamana kono.

San 2009 utikalo la, depitew tun dijena ni sariya kelen in ye nka a maa taa jamanadenw jiminsira fe. O la, jamanakuntigi wajibiyara k'a nini yelema w ka don sariya in na min b'a to a ni jamanadenw kuntilenna be ben an'uka faamuyacogow, ka nesin laadalakow ma, diinekow, ani seko ni dənko.

Jekulu sigira sen kan o la ka sariya in filiw n'a fijew latilen k'u bərebən, bəe k'i sago soro a kono. Silamew ka jekuluba ni depite sugandilenw jera ka baara ke o jekulu in kono. Jekulu in ye kalo saba ke baara la. A nəməgoya tun be depitebulon peresidan yere bolo, karamogoba Jənkuda Tarawele. Jekulu in kelen ko ka yelema don

sariya in dakunw na minnu kera mankanw sababu ye, a ye goferenaman wele, ka dəməbagaw wele, k'a kalanolu nəna, k'u fela soro.

O bolein ko yen, laje wəre labenna sariya in kan. K'a dajira marabolow la sigida lakodənnennw ani tənw ni jekulu walasa a ka ke bəe lajelen ka bənkan ye.

Yelema donna sariyasen 51 na k'u ke jama sago ye sango Mali Silametənba. Ko minnu fəsəfəsera k'u ke jama sago ye, o ye silamefurisiriko ye furusako, ciyentako, walidenlamoko, furudenko aniden minte furudenyə, animusow ka yəremabilako n'u ka nətaa sabatliko. Ben kera u kan, ka an ka laadaw sira don u koro, ka jamanaden fanba ka diine sira don u koro, n'o ye silameya ye.

Sariya in y'a jira ko fanga be silamefurisiri ni kereciyenfurisiri

lakodən an ka jamana kono, ani diine suguo sugu, nka a ninina diinefurüsiri ninnu ka ke i'n'a fo Meri ta cogoya, ka seben ke u la, furunogonw n'u ka seerew b'u bolonə bila min na. Nka sanni furusiridon cə, furunogonw be taa u nəniya jira fələ, o kəfe səgəsəgeliw be ke, u togo be seben k'a nərə bəe k'a ye, ka soro ka furusiridon pereperelatige.

Silamefurisiri fara merilafurisiri kan, nifurusa nana, a bətəa sa kiiriso de la, ben kera o kan. Furu haramuyalenw, ben kera a kan k'olu te ben Mali kono. A jirala k'a fo ko muso furusalen be se ka to n'a cə jamuye ni cə dijena n'a ye. Misali la, hali ni Jarake y'a muso bila, muso be se ka wele Madamu Jara ni cə dijena n'a ye. A be se ka bila a damaso kono ni cə dijena n'aye, cə ka so do. Muso furusalen ka kan ka waati min sigi sanni a ka don furu wəre la, o kera

kalo saba ye, k'a bə kalo nanni ni tile tan na. Npogotigi be se ka furu a san 16, fəlo san 18 tun don sariyasəben kono.

Fen min ye ciyenko ye, ben kera o fana kan. Sariya y'a yamaruya bəe k'i ka ciyən tilacogo boloda isagola. N'a ka di i ye, i be teme diine sira fe, laadaw sira, walima nansaraw ka sira.

A be se ka fo nin bəe lajelen kofe ko jamanadenfanba hakililajate minena.

Hadamaden ani Du kunkankow sariyasəben kono. A to tora ka sariya in sariyasenw ta kelen-kelen k'u nəfə jamanadenw ye kanw na u be minnu faamu walasa u k'a ke u taabolo ye su nitile. Depite hake min tun be kəne kan 121, olu bəe y'u bolo kərətə jamanadenw togo la k'u dijena ni sariya in ye.

Alayi Lam
Mahamadu Konta

Moti ofisiri ye malowəromansin kura nənamsa soro

Moti mara la yoro caman be yen sene, jiriru ani baganmara kama; nka u te k'o baara nijnu kebaaw nafa k'a sababu ke baarakeminenntan ye ka fara sənefənw nijiridenwani sogow ni nənəw bayelema izinintanya kan.

Misi hake min be Moti mara kono, o ka ca ni miliyon 2 ye; kəmesarada la 26 y'o ye Mali misi mume na. Ba ni saga ka ca ni miliyon 3 ye. Moti mara ye baganmarayoroba fəloye Mali kono. O baganmara in kofe, malosene be sebekərəke. Moti ofisiri be derme k'o la kosebe. San 2011 - 2012 sene kanpani na, Moti ofisiri jigi be malo təni 111.728 soro kono. Kəmesarada la o ye 81 faralenyə kanpanitəmənen soro hake kan. Kasro nin maloba in be soro ofisiri fe, malowəromansin nənamaw ka kan ka nini ka bila sənekəlaw ka bolo kan walasa malokaamasusulaw ka lafiya. Malowərominen ntanya, o de be ka sene ni baganmara soro sennasiri. Nka malo izini kura min jəklen file nin ye Moti mara la n'o ye «RIFAB SA» ye, o be son ka nətaa sabati. Malo izini mindon, a be bagandumunifana dilan. A sigira sen kan Moti ofisiri, demədonjekulu «IICEM», sənekəlaw təgəlabanki n'o ye BNDA ye ani kənyəreye baarakela do n'o ye Seku Bokumuye, oluka jekabaara hukumu kono.

Izini in be Seware. Abe malokaama wərə ka ke malokise jan ani malomugumugu ye. O malobuw be bayelema ka ke bagandumuni ye. Sene kanpani min file sen na, malowərizini in b'a fe ka malokaama təni 2000 wərə ani ka bagandumuni təni 2100 dilan.

Datamani Kulubali
Dokala Yusufu Jara

Cənfala negədilan izini joli tufaden fələ dara



Nəgə dilanni izini bəna jo Mali la. Ntənəndon desanburukalo tile 26 san 2011, jamanakuntigi Amadu Tumani Ture y'a joli tufaden fələ da Manabugu Cənfala komini na Kulukərə mara la. Izini in be wəle angilekənna «Sandeep Energy & Steel».

Baara suguya minnu bəna ke izini jota in fe, olu ye fara negəmaw yeeleli k'u nəgə bo, kuran dili ani nəgə gosili k'a ke makojenənegəw ye. Sefawari miliyari 150 bəna don a joli dafe kalo 18 kono. Jamanakuntigi y'a jira a ka laseli kono, ko kabini Mali y'a yere ta, nənəgənna baaraba tun ma deli ka ke kənyəreye mögə fe.

Negədilan izini in joli sarati məna se ka matərafa, a be son ka baara damine san 2013 zuwənkalo walima a zuluyekalo la.

Solomani Dunbiya
Dokala Yusufu Jara

Kayı, kunnafonidilaw degera kunnafoni dicogo numan na kənəya sabatili la denbayaw kono

Kayı dugu kono, kalan do kera kunnafonidila dəw kun k'a damins desanburukalo tile 14 na k'a kuncə a tile 23 la san 2011. Kalan in labenna AMAP ni ORTM fe, kunnafoniko minisiriso ni UNICEF ka baarakənəgənya hukumu kono. Osiratige la, ORTM ni AMAP kunnafonidilaw tun be kəne kənə kənə Bəmako, Kayı, Kulukərə, Sikaso ani Segumarayorbla, ka fara kənyəreye arajoso fila kan: Buguni Arajo Bejana ani Jema Arajo Jamana. Kənyəreye kunnafonisəben fila fana ka cidenw tunbeyenn'ye Segu «Le Ségoien» ani Buguni «Le Relai». Kunnafoniko cakeda fila wəre tun be kəne kan: «CESPA» ani «CNIÉCS».

Mali ye taasira 13 minnu sugandi UNICEF ka taasira mumə kono den ni ba ka kənəya sabatili kama, kalan in kun tun y'olu nəfoli, forobabaro kəcogo arajo ni tele la o nəjirali ani kunnafoni sərcəcəgo n'a səbəncəgo

numan feərew, ka kunnafonidilaw dege olu la.

Tiletankalanindamineni nəməgoya tun be Adama Kansayi bolo; ale ye Kayi mara goferenəri kərəsigi ye.

UNICEF togo la, Dəgətərə Narisi De Medeyiresi ko baarakəta minnu ka kan ka waleya UNICEF ni Mali kunnafoniko minisiriso cə san 2013 - 2017 kono, ko san 2012 be k'olu nəjinini n'u botodali la. A y'a jira ko UNICEF ni kunnafoniko minisiriso ka jənəgənya sinsinbere do ye jamanadenw kunnafonini n'u lafaamuyaliyekənəya sabatiliwaleya kərenkərnən matarafali ye denbayaw kono.

Jemukanwləbəncəgo an'ukecogo arajo ni tele la, olu nəjirala Amara Konde fe; ale ye kunnafonidila ye ORTM na. Kunnafoni səbəncəcəgo nəjarali kera Bakari Kulubali fe; ale ye kunnafonisəbənna ye AMAP la. Nin kalan in kera sababu ye ka do

fərakunnafonisəben, arajolakumanaw ani telelakumanaw ka donniyaw kan. Ay'a to an ka nəgənna baaraw labəncəgo fana dən.

Dokala Yusufu Jara

«AMAP» kuntigi
Solomani Darabo
kanw kunnafonisəbenw
baarada kuntigi
Nanze Samake

KIBARU

BP : 24 Telefon: 20-21-21-04
Kibaru Bugufiyə Bosola
Bəmako - Mali
Səbənnijekulu
Mahamadu Konta,
Dokala Yusufu Jara
Labugunyorla : Kibaru gafedilan
baarada
Bolen hake 16 000

San 2011-2012 bagansogō kanpani daminéna

Jamanakuntigi Amadu Tumani Ture ye san 2011 - 2012 bagansogō daminéni lénajew némogoya ke Kulukorō mara la alamisadon desanburukalo tile 15 san 2011. Dögökun wère, marabolo tow ta bë damine jamana fan tanni naani kono.

Ninan kanpani bënnna bagandumuniko gelyaw ma an ka jamana kono ani balokogelyaw, k'a sababu ke sanjidesse ye Sahelijamanaw kono.

Jamana Saheliyanfanw na, binw ma falen ka ne, dalaw fana ye jali daminé, wa baw ani jitonyorow jiye jigginni daminéna kaban.

Bagansogow bëna ke sababu ye ka baganw kolo gelyaw banaw bolo ani k'u deme ka binkogelyaw ni jikogelya latème.

Sogoli fôlo kéra jamanakuntigi fe Kulukorō mara dugu min na o ye Sirakorola ye.

Gelyaw ninnu fanga bonya y'a to fœrew ka tige ka kasaara kololojuguw dögoya. Jamanakuntigiy'a jira ko Mali



Jamanakuntigi ye bagansogō damine ke Sirakorola Kulukorō mara la

bëna bagandumuni toni 14.000 san k'u doni ka se baganmarayorow la jamana kono. O bagandumuni sansogō taara i jo sefawari miliyari 3 ni ko la. U bëna feere bagantigw ma songo duman na bëe ka se k'u soro.

Baganmara ni mënni taalan ye nogon ye, u gelyaw bëe ye kelen ye. Okama, demew bolodara jamana fe

«COB» ye superi kupu ta kasoro a ma ntola tan



Supéri kupu ye kupu ye Mali kono, min be da san o san kupudimali tabaa ni ntolatanton nana ce. San 2011 in Supéri kupu tun be Sitadimalien ni «COB» ce. Kabini Sitadimalien ma ye ntolatanfiniw dili kene kan, bëe tun sigira n'a ye k'a têna supéri kupu ntola tan.

Mali sennantolatan tömba n'o ye Federason ye, o ye laje min ke nowanburukalo tile 11 ka se a tile 12 ma, o ye biro min sigi, ntolatanjekulu duuru be yen olu y'a jira k'u ma dije n'o biro in ye. Osiratige la, u ye nisongoyasében di Federason ma o k'o ci FIFA ma. Nka ko Federason ma son k'o seben in lase a laseyoro la. Sitadimalien b'o ntolatanjekulu duuru la. O de koson a ma son ka supéri kupu ntolatan ke nisongoya jira kama Federason na.

Federason tun y'a jira fôlo, ko töf en o fen ma dije ni biro kura sigilen in ye, a t'a si ka nisongoyasében di FIFA ma. Nka walasa bëna ka soro ntolatanko la, jumadon an koro n'o bënnna desanburukalo tile 9 ma, a labanna ka seben in ci FIFA ma. Fo FIFA yere ye kunnafoni di k'a ye

seben soro. O n'a ta bëe Sitadimalien ma ye Modibo Keyita togolafarikolojenajekene kan sibridon desanburukalo tile 10, supéri kupu tani na. «COB» min yera kene kan, Federason ye supéri kupu ta ka di a ma i n'a fo ntolatan sariya b'a jira cogo min na. Kunnafonidilaw, Federason mogow ani polisi caman tun b'a kene kan. «COB» min ye Sitadimalien gosi 2 ni 1 ka kupudimali temenen in ta, nin y'a siye fôlo ye ka supéri kupu soro. Sitadimalien ni Joliba de y'a soro ka teme.

Ntolatan sariya b'a jira ko ni ntolatanton banna ka ntola tan, fen minnu tun ka kan ka di a ma o ntolatan in koson a t'olu soro tuguni, musaka minnu fana donna ntolatan labenni dafa a be laban k'o sara. Mali sennantolatan némogoba Hamaduni Kolado Sise y'a jira ko Sitadimalien be sariya in latilen ni musaka tinenen laseginni ye.

Solomani Bobo Tunkara
Dokala Yusufu Jara

Zalihatu S Mayiga kéra ORTM ka san 2011 sungurun saramaba ye



Misi be cemance la, dankan fôlo b'a kinin fe, dankan filanan b'a numan fe

Mali arajo n'a telewisonsoba (ORTM) ka san 2011 sungurun saramaba jinini na, musomann 12 tun b'a kene kan. U bëra Bamako ni Mali marayorò tow la ka fara Maliden minnu sigilen be Faransi ni Lamerikénjamana na, olu taw kan. Musomann 12 ninnu ye temeko 3 nogonna ke jalatigélaw nekoro. Utème

ye. Ale tun ye nimoro 6nan ye musomannin tow cela. Zalihatu S. Mayiga si hake be san 21 na, a kundama yemeteré 1,76 ye, a girinya ye kilo 50 ye. A be angilekan kalana na kalansoba la. Zalihatu Mayiga jansara ni sefawari miliyon 2 ye ani mobili kura kelen. Mobili kura min bolen be sisani n'a be wele «BYD auto», o don. A ka labenw fana tun y'a miné kosebe. Sefawari dörôme 50.000 dira a ma ladivaliféne ka da o kan, miliyon 2 ni mobili kofé.

Sinja Boni ka bo Moti, o kéra misi dankan fôlo ye. Ojansara ni sefawari miliyon 1,5 ye. Leyila Ture ka bo Gwo, ale kéra misi dankan filanan ye. Ajansara ni sefawari miliyon 1 ye. Fatumata Kone ka bo Sikaso, ale ka laadalafini tun ka ni kosebe ka teme misi to bëe ta kan. Ale jansara ni sefawari dörôme 50.000 ye o kama. Sidi Yaya Wague/Dokala Yusufu Jara

KONKO

- nE 2 : Jegesugu kura jora Bamako
- nE 3 : Minisirilaje ye kéronefela marabolo kuraw boloda
- nE 4 : Batakiw
- nE 5 : Kalankenc n° 113 nan Masalaw sebencogo (Hakilijagabo)
Dukenc n° 88nan Fasodenya ni sigiyoro seereyaseben ani
seben lajede seereyali
- nE 6 : Kanko taabolo dantigeli tilesabalaje baaraw kecogoya
- nE 7 : Ben kéra Hadamaden ani Du kunkankow sariya kan

ka jésin jegemine yiriwali fana ma, ni sefawari miliyari 1 ye.

Jegedenninw bë san o nafolo in na k'u bila jidingew kono walasa u ka bugun ka caya. Jegew balofenw fana bë san nafolo in na jegemaralaw kama.

Minisiri Bokari Tereta min ka cakedaw ka baaraw jésinnen bë baganmara ni mënni yiriwali ma, y'a jira ko san 2011 - 2012 kanpani in senfe, misi 6.570.000 sogobiloboden don, saga 5.990.000 aniba 253.600, ka fara nogomé 22.700.000 kan.

Sogoliw bë ke bana minnu kësli kama olu ye, baganw ka sogosogobana ye (buceli), bon, sumayafin, fariganbanaw, ntumubanaw, dabosibananw ani kamanmafénw ka banaw.

Bagandogotoro hake min bëna wulikajow ke a kola o be se mögo 928 ma : forobacakéda dögotoro 452 ani kenyeréyw ta mögo 476.

Amadu M. Sise
Mahamadu Konta